



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni  
Salaminij lib. 9. Euagrij Scholastici Epiphanensis lib. 6

**Christopherson, John**

**[Köln], 1569**

Quòd Romanus pontifex pro Athanasio ad Orientales episopos scripserit,  
quodq[ue] Romam missi sunt episcopi, qui crimina quæ episcopis  
Orientalibus obiecta bantur, vnà cum episcopo Romano examinarent, ...

**urn:nbn:de:hbz:466:1-12718**

SOZOMENI HISTOR.

dat: Paulum autem vrbe expellat. præfectus verò seditione  
populi veritus, ante quàm mandatum imperatoris palà fa-  
ctum est, ad balneum publicum, cui nomen erat Zeuxip-  
pus, illustre illud quidem atque amplissimū, proficiscitur:  
eoque accersit Paulum, quasi de negotiis publicis cum eo  
communicaturus. Cui, statim vt venerat, literas ostendit  
imperatoris, atque clam per regiam, quæ balneum attinge-  
bat, eum ad mare deduci, collocari in nauigio, Thessalo-  
nicam subuehi, vnde maiores eius oriundos ferunt, iussit:  
denique sententiam contra illum tulit, vt omnino extra eā  
imperii partem, quæ ad orientem solem vergit, se teneret.  
Illyricū & vltiores regiones ingredi nō veruit. Egressus  
demum è tribunali, in quo iudicium aduersus Paulum de-  
derat, secum in curru habens Macedonium, ad ecclesiā per-  
rexit. Populi autem multitudo (nam his rebus gestis infi-  
nitus numerus in vnum collectus est) ecclesiā illico com-  
pleuit. Nam singuli tum Ariani, tum Pauli fautores, enixè  
laborarunt, vt alteri alteris anteuertent. Vbi verò præ-  
fectus, & Macedonius vnà ad fores accessit ecclesiæ, & mul-  
titudo, quò introitus illis pateret, à militibus ad cedendū  
impulsa, cedere ideo non potuit, quòd loca interiora refer-  
ta erant, milites rati multitudinem populi dedita opera re-  
stitisse, multos gladiis confecerunt: complures item ab se  
mutuò protriti interierunt. Quare edictum imperatoris  
hunc habuit exitum: atq; Macedonius ecclesiarum admi-  
nistrationem obtinuit. Cum Paulus hoc pacto ex inopina-  
to ecclesia Constantinopolitana priuatus esset, Athanasius  
veritus Constantii imperatoris minas, ex occulto fuga sa-  
lutem quæsiuit. Nam Constantius ei mortem eò minatus  
fuerat, quòd Ariani criminati fuissent, seditiones ab eo cō-  
flatas esse, & illo in vrbem introeunte multos extinctos.  
At illud in primis imperatori bilem mouit, quòd eum fru-  
menti congiariū, quod Cōstantinus pauperibus Alexandriæ  
donasset, vendidisse, indeq; quæstū fecisse prædicabant.

*Quòd Romanus pontifex pro Athanasio ad Orientales  
episcopos scripserit, quodq; Romam missi sunt epis-  
copi, qui crimina quæ episcopis Orientalibus obiecta  
bantur, vnà cum episcopo Romano examinarent, &  
quomodo Constans Cesar eos domum remisit.*

At

**A**T verò cum episcopi Aegypti hæc falsa esse scrip-  
sissent, Iulius certior factus non tutum esse Athanasio  
in Aegypto vitam agere, eum ad se accersuit. Ad  
illos autem, qui Antiochiæ in vnum cõuenerant (nam for-  
tè fortuna id temporis eorum acceperat epistolam) scripsit:  
atque adeo incusauit, quòd clam contra fidem concilii Ni-  
cæni nouas res moliti fuerant, quodque contra leges eccle-  
siæ ipsum ad concilium non vocarant. Nam legem esse ad  
sacerdotii dignitatem spectantem, quæ pronuntiat acta illa  
irrita esse, quæ præter sententiam episcopi Romani consti-  
tuuntur. Ea autem, quæ Tyri, & in Mareote aduersus Atha-  
nasium decernebantur, iniqua esse. Atque calumniam de  
Arsenii brachiò confictam, in illis criminatur: in his autè  
Athanasii à Mariote absentiam. Postremò literarum perti-  
naciam reprehendit. Quibus omnibus rationibus addu-  
ctus est, vt Athanasio & Paulo (nam haud ita diu post,  
Athanasius ipse in Italiã profectus, de iniuriis, quas acce-  
perat, conquestus est) opem ferendam indicaret. At cum  
literis apud episcopos Orientis, de rebus propter quas scri-  
psisset, nihil proficeret, causam Athanasii & Pauli ad Con-  
stantem retulit. Qui quidem dedit literas ad fratrem Con-  
stantium, vt quosdam episcopos Orientis Romam mitte-  
ret, de abdicatione Athanasii & Pauli responsuros. Itaque  
ad hanc rem deliguntur tres: Narcissus, episcopus Ireno-  
polis, quæ est vrbs Ciliciæ, Theodorus Heracleæ, quod est  
oppidum Thraciæ, episcopus, & Marcus episcopus Are-  
thuse, ciuitatis Syriæ. Qui in Italiam profecti, acta sua cõ-  
stanter tutati sunt: imperatori que persuadere conantur,  
iustum æquumque fuisse iudicium concilii in Oriente ce-  
lebrati. At verò cum rogarentur de fide sua, formulam fi-  
dei ab se Antiochiæ cõpositã occultauere, atque aliã scriptis  
mandatã cõmonstrauere, eãque etiam à fide in cõcilio Ni-  
cæno approbatã discrepantem. Vt autè Constãs vidit eos  
hisce viris iniustè insidias struxisse, & neque criminis alicu-  
ius, neque vitæ malè actę causa, sicut abdicatiões præ se fere-  
bant, sed propter dissentientē fidei opinionē, eorū cõmuni-  
onē auersatos esse, illos haud voti cõpotes domū remisit.